

Дилафрўз ХОЛМАНОВА

БАҲОР СУВРАТИ


Шеърлар

Қарши
«Насаф» нашриёти
2007

84(59)6-5

Баҳор эпкинларига масрур кўнгил кенгликларга «парвоз» этади. «Парвоз» этаётган кўнгил гўзал ва бетакрор манзаралар малоҳатидан масрурланиб, соҳиби қўлига қалам тутқазади.

Ёш қаламкаш Дилафрўз Холманованинг мўъжаз тўпламидан жой олган шеърларини ўқир экансиз, шу каби ўйлар хаёлингиздан ўтади.



10 33955
0

X 4702620202-30 30-2007 Д.Холманова, 2007 й.
376(06)2007

ISBN 5-7323-0518-1

ЮРТИМ

Бугун дунё тан олди сени,
Тан олдилар сени олимлар.
Озодлигинг барқарор бўлди,
Тинчлигингни бузмас золимлар.

Қувонч, шодлик, дилда ҳаяжон,
Ғам-андухдан асар йўқ сира.
Байрамингдир юртим - онажон,
Ҳар гўшангда ҳар кун тантана.

Бунча майин эркнинг шамоли,
Димоғимни эркалар эркин.
Гўзаллашар юртим жамоли,
Баҳра олиб яшаймиз эркин.



ЯНГИ ЙИЛ АРЧАСИ

Термулиб-термулиб тўймам ҳеч инсон,
Ҳарир рўмол ўраб турган арчага.
Тилагим, ҳар йили келсин янги йил,
Жаҳон ичра доим барчага.

Осмон кўксидан тушган митти қор,
Заминга ёйганди ўз оппоқ сепин.
Ҳар жойда ҳар лаҳза байрам, шодиёна,
Нишонлар ҳар инсон ўз янги йилин.

Кипригинг устига қўнган митти қор,
Гўёки олмоснинг синган парчаси.
Ҳар уйда туради тўкканча виқор,
Шодлик бахш этганча байрам арчаси.

КУМУШ ҚИШНИНГ...

Тоғлар оппоқ қор-ла қопланди,
Арчазорлар ҳарир рўмолда.
Гўзаллигин қилур намоён,
Табиат ҳам айни шу онда.
Термуламан, тўймайман боқиб,
Кумуш қишнинг бу санъатига.
Юсаклардан боққим келади,
Шу тоб юртим малоҳатига.

ТҮҮРТ ФАСЛ

Тўрт фаслнинг ўз гашти бордир,
Тўрталаси ўтар тизилиб.
Баҳор ёзни, куз эса қишни,
Бир-бирини қувлайди йиллаб.

Баҳор келса гуллайди замин,
Тирилади, туллайди замин.
Далаларда деҳқон бобом ҳам,
Туну кун ишлайди, йўқ дам.

Бағри тўлиб ёз келар аста,
Мевалари жонга пайваста.
Бағри салқин, меҳри иссиқдир,
Гуллар тутар сенга кўп даста.

Шох баргига куз келар сакраб,
Шамдек гўё турар липиллаб.
Деҳқон бобом яна далада,
Ҳосилини йиғар зипиллаб.

Деразадан тик-тик қилар қиш,
Оқ чойшабга тушар темир тиш.
Гурзисини урса гуриллаб,
Гоҳ кўрқишиб қиламиз миш-миш.

Замин узра уч ой юз тутиб,
Фасллар ҳам келади қайтиб.
Бири келар бирин жўнатиб,
Бир-бирига саломин айтиб.

УЙҒОНДИ ГУЛБАҲОР

Уйғонди табиат, уйғонди ҳаёт,
Уйғониб берди у ўз саломини.
Елвизак бошлади ажиб бир баёт,
Гулбаҳор бошлади ўз каломини.

Уйғонди мудраган адирлар, қирлар,
Уйғонди булоқлар, уйқучи кўллар.
Кўнгилнинг энг нозик ҳисларин чалиб,
Баҳорни куйлади хушовоз булбуллар.

Уйғонди она ер кўзин ишқалаб,
Дехқонга меҳнатнинг очди йўлини.
Уйғонди уйқудан ҳаттоки дарахт,
Куртагини ёзиб, очди гулини.

Анҳорга ошиқиб эгилган толлар,
Қизларга этдилар ҳадя жамалак.
Уйғонди қуёшжон, кетди булутлар,
Осмон ҳам безанди мисли камалак.



БАҲОР

Сумалаклар эриди чак-чак,
Баҳор келди мисли келинчак.
Остонаси қутлуғ беланчак,
Ҳар изингдан очилсин чечак.

Эй келинчак, баҳор келинчак,
Шодлик, қувонч файзи - келинчак.
Хуш келибсан ўлкамга, меҳмон,
Сенга ёзай, ёзай дастурхон.

Ҳар бир қўйган қадамнинг қутлуғ,
Ҳар келишинг биз учун улуғ.
Келақолгин, кутамиз яна,
Яна шодлик, бўлсин тантана.

БАҲОР КЎРКИ

Гулларнинг ранго-ранг япроқларида,
Рақсга тушади жилвакор баҳор.
Шабнамнинг биллурий титроқларида,
Жамолин кўз-кўз этар ҳар наҳор.

Жар солар қалдирғоч, баҳор элчиси,
Қалбида туғёнли шодлиги тўлиб.
Қоялар устида лолақизғалдоқ,
Алвон сепин ёйган келинчак бўлиб.

Оппоқ гул исидан маст бўлган бодом,
Маҳлиё баҳорнинг гўзал ҳуснига.
Ям-яшил майсалар, гилос гуллари,
Чирой қўшар гўзал баҳор кўркига.

ОНАЖОН

Дил торларим сизга бахшида,
Меҳрингиздан сурар нашида,
Сизга ёзай шеърү қасида,
Меҳрингиз кўп, қадрингиз жаҳон -
Онажон.

Юзингиз гул тафти каби нурафшон,
Мен учун фаришта сизсиз, онажон,
Оёингиз ости жаннатдир ҳар он,
Меҳрингиз қуёшдек нур сочар ҳар он -
Онажон.

Сўзланг сиз учун не қилдим, онам,
Оғир кунларимда сизсиз парвонам,
Сиз бирла гўзалдир бу кўҳна олам,
Мен учун малҳамсиз, юракка дармон-
Онажон.



ОЙГА ЎХШАТДИМ

Эрталабдан мени уйғотиб,
Сочларимни тараган онам.
Муҳаббатин оқ йўргак этиб,
Вужудимга ўраган онам.

Кувончингиз менинг кувончим,
Кулишингиз бахтимдир, она.
Ишончингиз - менинг ишончим,
Шодлигингиз тахтимдир, она.

Меҳрингизни иссиқ қуёшга,
Чеҳрангизни ойга ўхшатдим.
Қалбингизни шарқироқ тоза,
Ва беғубор сойга ўхшатдим.

Қайда бўлмай, қаерда юрмай,
Сизга хумор бўлиб юргайман.
Менга берган ўгитларингиз,
Доим тумор этиб юргайман.



ЁШЛИГИМ

Шамоллар майлига тўзон кўтарсин,
Кумуш қиш кетмай, деб қилсин тавалло.
Умр ўтавериб замонлар ошсин,
Ташлаб кетма мени ёшлигим, асло.

Майлига, шамоллар бағрини юлсин,
Майлига, осмон ҳам тўксин кўз ёшин.
Майлига, юрагим минг пора бўлсин,
Ташлаб кетма мени ёшлигим, асло.

Шўхликларим бўлсин ёнимда ҳамон,
Эркалаб-эркалаб юпатсин ҳар он.
Ўртамизга тушмасин хижрон,
Ташлаб кетма мени ёшлигим, асло.

ТУН

Бугун хаёл ичра маст бўлиб.
Кўзларимдан уйқуни олди.
Туннинг гўзал аксини кўриб,
Илҳом унга назарин солди.

Оқар дарё оқар шилдираб,
Садо билан оқади мудом.
Кўршапалак тунда довдираб,
Кўзига нур қидирар ҳар дам.

Қурбақа ҳам анҳор бўйида,
Туннинг ажиб мадҳини куйлар.
Кўзларим шу туннинг қўйнида -
Хаёлимга қоришар ўйлар.

ОРОМГОҲДА

Хушманзара боғлар сўлим, хушҳаво,
Булоқлар шилдираб таратар наво.
Дилга завқ бағишлар қушлар ҳўп сайраб,
Ҳордиқ олаяпмиз қувониб, яйраб.

Қўшиқлар куйлаймиз, завққа тўлар дил,
Қувлашиб ўйнаймиз, яйрайди кўнгил.
Минг шукур бахтиёр болалик учун,
Қувончлар оламини тутгани учун.

КАПАЛАКЖОН

Эй капалак, мунис капалак,
Бунча нозик бунча сергаксан.
Тутолмайин мен эса ҳалак,
Миттигина нозик зираксан.

Шохдан-шоҳга учасан гоҳо,
Гулзоримга қўнасан гоҳо.
Учасан-ей, учасан беғам,
Нега ором олмайсан бир дам.

Кел, дўст тутай қалбимга сени,
Мендан сира чўчима зинҳор.
Кел, қўниб кўр кафтимга мени,
Қанотингдек ишончим зарҳал.

ҚАНИ БУГУН

Қани бугун оппоқ қуш бўлсам,
Самоларни айласам парвоз.
Ҳавас, орзу билан маст бўлиб,
Ғам-кулфатни унутсам бироз.

Қани бугун шошқин дарёдай,
Елиб-елиб пишқириб оқсам.
Индамаса, анҳор бўйида,
Мажнунтолдан сочпопук тақсам.

Қани бугун хаёлларим ҳам,
Мен билан-да суҳбатлар курса.
Дилдан орзу-умидлар билан,
Ниятларим амалга ошса.

Қани бугун бирорта инсон,
Орзуларга бермаса ҳалал.
Ўтинаман илтижо қилиб,
Етакласа йўлларга хаёл.



ЯХШИЛИК

Нажот истаб уйингга келса гар биров,
Ширин сўзларинг-ла қаршила дарров,
Қўлингдан келгунча яхшилик қилгин,
Яхшиликни яқин ҳамроҳинг қилгин.

Қартайиб беллари букилган чолга,
Кўрсатилган меҳр, айтилган калом,
Дуо-олтин, умринг қоргайдир болга,
Дилингга тукканинг бўлсин эҳтиром.

Миннат кўчасидан ўтмагин бир он,
Хатто хаёлингни бермагин унга.
Сахий юрагингга тўкилсин осмон,
Дунё таъзим қилсин ўтли севгингга.



БЎЛСАМ

Бугун қалбим изтиробда, севинчим йўқ,
Ғам-ғуссадан дардлашувчи куюнчим йўқ,
Нетай, хижрон азобидан ҳеч тинчим йўқ,
Ёнгинамда кўрмаяпман нега Тохирни?

Мард йигит кўзларига киприк бўлсайдим,
Унинг анҳорига, ирмоғига кўприк бўлсайдим,
Ишқ ичра Зухро каби қўшиқ бўлсайдим,
Шеърга дафтар қилиб тутаяпман бағирни.

Қуёш бўлса, нурларининг камони бўлсам,
Муҳаббатда бир Тохирнинг армони бўлсам,
Сандиқ оқиб бораётган дарёдай тўлсам,
Тўлқин ўйлар эркалайди бугун меҳрни.



МУНДАРИЖА

Юртим.....	3
Янги йил арчаси.....	4
Кумуш қишнинг.....	4
Тўрт фасл.....	5
Уйғонди гулбаҳор.....	6
Баҳор.....	7
Баҳор кўрки.....	7
Онажон.....	8
Ойга ўхшатдим.....	9
Ёшлигим.....	10
Тун.....	10
Оромгоҳда.....	11
Капалакжон.....	11
Қани бугун.....	12
Яхшилик.....	13
Бўлсам.....	14

АДАБИЙ-БАДИИЙ НАШР

ХОЛМАНОВА ДИЛАФРЎЗ

БАҲОР СУВРАТИ

Шеърлар

Муҳаррир: З.Омонова.

Техник муҳаррир: Ч.Раҳмонов.

Мусахҳих: З.Очилова.

ИБ 1100

Теришга 7.06.2007 йилда берилди. Босишга 15.06.2007 йилда рухсат этилди. Бичими 84x108 1/32. Шартли босма табоғи 0,84. Шартли бўёқ- отт. 0,90. Нашр босма табоғи 0,57. 33 - 2007-шартнома. 43-буюртма. 100 нусхада. Эркин нархда.

«Насаф» нашриёти, 730018. Қарши шаҳри, Мустақиллик шоҳ кўчаси, 22-уй.

Вилоят матбуот ва ахборот бошқармаси ҳузуридаги
«Матбаа» цехида чоп этилди.

Қарши шаҳри, Мустақиллик шоҳ кўчаси, 22-уй.